



**ԲԱՐՁՐԱՍՏԻՃԱՆ ՊԱՇՏՈՆԱՏԱՐ ԱՆՁԱՆՑ ԷԹԻԿԱՅԻ
ՀԱՆՁՆԱԺՈՂՈՎ**

Թիվ ՎԻՎ/01/2019

ՈՐՈՇՈՒՄ

ՎԱՐՉԱԿԱՆ ՏՈՒՅԺ ԿԻՐԱՌԵԼՈՒ ՄԱՍԻՆ

ք. Երևան

23 հունվարի 2019թ.

Բարձրաստիճան պաշտոնատար անձանց էթիկայի հանձնաժողովը, հետևյալ կազմով՝ Ա. Խուդավերդյան, Ա. Սարգսյան, Է. Շաթիրյան, Լ. Պետրոսյան (այսուհետ՝ Հանձնաժողով), նախագահությամբ՝ Ա. Սարգսյան, քարտուղարությամբ՝ Է. Շաթիրյանի,

2019թ. հունվարի 23-ին քննելով ՀՀ ՊԵԿ Արարատյան մաքսատուն-վարչության պետի նախկին տեղակալ Բաբկեն Աշոտի Ղազարյանի կողմից Վարչական իրավախախտումների վերաբերյալ ՀՀ օրենսգրքի (այսուհետ՝ Օրենսգիրք) 169.28-րդ հոդվածի 2-րդ մասով (սույն հոդվածի 1-ին մասով նախատեսված վարչական տույժի կիրառումից հետո՝ 30 օրվա ընթացքում, հայտարարատուի կողմից հայտարարագիրը չներկայացնելը) նախատեսված առերևույթ վարչական իրավախախտում կատարելու հատկանիշներով հարուցված գործը՝

ՊԱՐԶԵՑ

1. Վարչական իրավախախտումների վերաբերյալ գործի վարույթի նախապատմությունը.

1. Հանձնաժողովն, իրականացնելով «Հանրային ծառայության մասին» ՀՀ օրենքի (այսուհետ՝ նաև Օրենք) 43-րդ և 43.1-ին հոդվածներով իրեն վերապահված գործառույթները, Էլեկտրոնային հայտարարագրերի ռեեստրի տվյալների և թիվ ՎԻՎ/393/2018 վարչական գործի ուսումնասիրության արդյունքներով պարզել է, որ Բաբկեն Աշոտի Ղազարյանի կողմից պաշտոնեական պարտականությունները դադարեցնելու օրվա դրությամբ առկա գույքի, եկամուտների և փոխկապակցված անձանց հայտարարագիրը Բարձրաստիճան պաշտոնատար անձանց էթիկայի հանձնաժողով «Հանրային ծառայության մասին» Հայաստանի Հանրապետության օրենքով սահմանված կարգով չներկայացնելու

համար Բաբկեն Աշոտի Ղազարյանի նկատմամբ կիրառվել է «նախազգուշացում» վարչական տույժը: Հանձնաժողովի 2018 թվականի նոյեմբերի 15-ի թիվ ՎԻՎ/393/2018 որոշումը 22.11.2018թ. տեղադրվել է Հայաստանի Հանրապետության հրապարակային ծանուցումների պաշտոնական ինտերնետային կայքում (հրապարակային ծանուցման նույնականացման համար՝ 429836):

2. Բաբկեն Աշոտի Ղազարյանի նկատմամբ Հանձնաժողովի 2018 թվականի նոյեմբերի 15-ի թիվ ՎԻՎ/393/2018 վարչական տույժ կիրառելու մասին որոշումը վերջինիս հանձնած համարելուց հետո օրենքով սահմանված 30 օրյա ժամկետում Հանձնաժողով չներկայացնելու առնչությամբ 2018 թվականի հունվարի 16-ին կազմվել է թիվ Հ/01/2019 արձանագրությունը՝ Վարչական իրավախախտումների վերաբերյալ ՀՀ օրենսգրքի 169.28-րդ հոդվածի 2-րդ մասով նախատեսված առերևույթ իրավախախտման հատկանիշներով:

3. Հանձնաժողովի 16.01.2019թ. թիվ ՎԻՎ/01/2019 որոշմամբ հարուցվել է վարչական իրավախախտման վերաբերյալ թիվ ՎԻՎ/01/2019 գործի վարույթը և նշանակվել է վարչական իրավախախտման վերաբերյալ գործի քննություն՝ 2019թ. հունվարի 23-ին, ժամը 11:00-ին:

4. Գործի քննության վերաբերյալ ծանուցումը 17.01.2019թ. տեղադրվել է Հայաստանի Հանրապետության հրապարակային ծանուցումների պաշտոնական ինտերնետային կայքում (հրապարակային ծանուցման նույնականացման համար՝ 444341)

5. 23.01.2019թ. նշանակված վարչական գործի քննությանը պատշաճ ծանուցված Բաբկեն Աշոտի Ղազարյանը չէր ներկայացել:

II. Գործի քննության ընթացքում հաստատված հանգամանքները.

6. Հանձնաժողովն, ուսումնասիրելով և վերլուծելով թիվ ՎԻՎ/393/2018 և թիվ ՎԻՎ/01/2019 գործում առկա նյութերը, կատարելով գործի հանգամանքների քննություն, հաստատված է համարում, որ Բաբկեն Աշոտի Ղազարյանը Հանձնաժողովի 2018 թվականի նոյեմբերի 15-ի թիվ ՎԻՎ/393/2018 վարչական տույժ կիրառելու մասին որոշումը հանձնած համարելուց հետո օրենքով սահմանված 30 օրյա ժամկետում Հանձնաժողով չի ներկայացրել պաշտոնական պարտականությունները դադարեցնելու օրվա դրությամբ առկա գույքի, եկամուտների և փոխկապակցված անձնաց հայտարարագիրը՝ թույլ տալով Օրենսգրքի 169.28-րդ հոդվածի 2-րդ մասով սահմանված վարչական իրավախախտում:

III. Որոշումն ընդունելու իրավական հիմքերը.

7. Բաբկեն Աշոտի Ղազարյանն Օրենքի 32-րդ հոդվածի ուժով հանդիսանում է գույքի, եկամուտների և փոխկապակցված անձանց մասին հայտարարագիր ներկայացնելու պարտականություն ունեցող անձ:

8. Օրենքի 33-րդ հոդվածի համաձայն՝ Հայտարարատու պաշտոնատար անձինք պաշտոնական պարտականություններն ստանձնելու կամ դադարեցնելու օրվա դրությամբ հայտարարագրերը այդ օրերին հաջորդող 30 օրվա ընթացքում ներկայացնում են Բարձրաստիճան պաշտոնատար անձանց էթիկայի հանձնաժողով:

9. Օրենսգրքի 169.28-րդ հոդվածի 2-րդ մասին համապատասխան՝ Օրենսգրքի 169.28-րդ հոդվածի 1-ին մասով սահմանված տույժի (նախազգուշացում) կիրառումից հետո՝ 30 օրվա ընթացքում, հայտարարագիրը չներկայացնելը առաջացնում է տուգանքի նշանակում՝ սահմանված նվազագույն աշխատավարձի երկուհարյուրապատիկի չափով:

10. Օրենքի 43-րդ հոդվածի 1-ին մասի 7-րդ կետի համաձայն՝ Հանձնաժողովի գործառույթներից է հայտարարատու պաշտոնատար անձի կողմից հայտարարագրերում հայտարարատու պաշտոնատար անձի, ինչպես նաև նրա ընտանիքի կազմի մեջ մտնող անձի կողմից սույն օրենքով նախատեսված հայտարարագրերը Բարձրաստիճան պաշտոնատար անձանց էթիկայի հանձնաժողով օրենքով սահմանված ժամկետում չներկայացվելու օրենսդրությամբ սահմանված կարգով վարչական իրավախախտումների վերաբերյալ գործեր քննելը և վարչական տույժեր նշանակելը:

11. Օրենսգրքի 244.17-րդ հոդվածի համաձայն՝ Օրենսգրքի 169.28-րդ հոդվածով նախատեսված վարչական իրավախախտումների վերաբերյալ գործերը քննում և վարչական տույժեր է նշանակում Հանձնաժողովը:

Ելնելով վերոգրյալից և ղեկավարվելով «Հանրային ծառայության մասին» Հայաստանի Հանրապետության օրենքի 32-րդ հոդվածի 6-րդ մասով, 33-րդ հոդվածի 4-րդ մասով և 43-րդ հոդվածի 1-ին մասի 7-րդ կետով, Վարչական իրավախախտումների վերաբերյալ Հայաստանի Հանրապետության օրենսգրքի 23-րդ հոդվածի 1-ին մասով, 37-րդ հոդվածի 7-րդ մասով, 169.28-րդ հոդվածի 2-րդ մասով, 244.17-րդ հոդվածով՝

Բարձրաստիճան պաշտոնատար անձանց էթիկայի հանձնաժողովը որոշեց.

1. Բաբկեն Աշոտի Ղազարյանի նկատմամբ կիրառել վարչական տույժ՝ նշանակելով տուգանք 200 000 (երկու հարյուր հազար) ՀՀ դրամի չափով՝ Բաբկեն Աշոտի Ղազարյանի կողմից Հանձնաժողովի «Վարչական տույժ կիրառելու մասին» 15.11.2018թ. թիվ ՎԻՎ/393/2018 որոշումը հանձնած համարելուց հետո 30 օրվա ընթացքում պաշտոնեական պարտականությունները դադարեցնելու օրվա դրությամբ առկա գույքի, եկամուտների և փոխկապակցված հայտարարագիրը Հանձնաժողով չներկայացնելու համար:

2. Վարչական իրավախախտումների վերաբերյալ Հայաստանի Հանրապետության օրենսգրքի 40-րդ հոդվածին համապատասխան՝ վարչական տույժ նշանակելը վարչական իրավախախտում կատարած անձին չի ազատում այն պարտականության կատարումից, որը չկատարելու համար նշանակվել էր վարչական տույժ:

3. Օրենքի 44-րդ հոդվածի 7-րդ մասի համաձայն՝ հայտարարագիրը դիտավորությամբ չներկայացնելու դեպքում վարույթի նյութերը պատճառաբանված որոշմամբ անհապաղ, բայց ոչ ուշ, քան եռօրյա ժամկետում ուղարկում է Հայաստանի Հանրապետության գլխավոր դատախազություն:

4. Սույն որոշումը կարող է բողոքարկվել ՀՀ օրենսդրությամբ սահմանված կարգով և ժամկետում:

5. Վարչական իրավախախտումների վերաբերյալ Հայաստանի Հանրապետության օրենսգրքի 305-րդ հոդվածի 1-ին մասի համաձայն՝ խախտողի կողմից տուգանքը պետք է վճարվի տուգանք նշանակելու մասին որոշումը նրան հանձնելու օրվանից ոչ ուշ, քան

տասնհինգ օրվա ընթացքում, իսկ այդ որոշումը բողոքարկելու դեպքում՝ բողոքը առանց բավարարման թողնելու մասին ծանուցման օրվանից ոչ ուշ, քան տասնհինգ օրվա ընթացքում:

6. Տուգանքը պետք է վճարվի գանձապետական 900005001335 «Իրավախախտումների համար կիրառվող վարչական տուգանքներ և պատժամիջոցներ (Բարձրաստիճան պաշտոնատար անձանց էթիկայի հանձնաժողով)» հաշվեհամարին՝ վճարման անդորրագրի «նպատակ» դաշտում պարտադիր նշելով սույն որոշման համարը:

7. Տուգանքը նշանակելու մասին որոշումն իրավախախտում կատարած անձին հանձնելու օրվանից, իսկ տուգանքը նշանակելու մասին որոշումը բողոքարկելու դեպքում՝ բողոքն առանց բավարարման թողնելուց հետո տասնհինգ օրվա ընթացքում տուգանքը չվճարելու դեպքում, այն ենթակա է բռնագանձման օրենսդրությամբ սահմանված կարգով:

8. Սույն որոշումն ուժի մեջ է մտնում Բաբկեն Աշոտի Ղազարյանին այն սահմանված կարգով հանձնելու (հանձնված համարվելու) հաջորդող օրվանից:

Հանձնաժողովի անդամներ՝



Ա. Խուդավերդյան



Է. Շաթիրյան



Ա. Սարգսյան



Լ. Պետրոսյան